

ΔΟΚΤΩΡ

ΓΡΑΙΟΣ

ΕΠΙΣΤΟΛΑ

531.6.1.

2

ARCHIMEDIS

K

AD
REGEM GELONEM

ALBÆ GRÆCÆ

REPERTA

Anno Æræ Christianæ 1688.

authore Arch. Pittarnio
medico Groto

a. 3950

Ex dono Arch. Pittarnio

903 T 20 Δ
201 A 97

TYPOGRAPHUS

LECTORI SALUTEM.

Videtur hoc Fragmentum, quod
forſan mirere nemini memoratum,
tranſiſſe in Latinum Sermonem
vergente jam imperio & ſuperante bar-
barie. Noluī tamen poſteris invidere
quidquam, quod ab *Archimede* potuerit
proficiſci.

*Quare habeo tibi quicquid hocce ſcripti &
Qualecunque; quod, o patroa Virgo,
Plus uno maneat perenne ſaclo.*

ARCHIMEDIS GELONI REGI SALUTEM.

DELECTATUM te dicis, REX
GELO, demonstrationibus il-
lis quas in Arenario nostro de
Mundi magnitudine nuper le-
gisti, quærisque cum tantum
possit Geometria, ut hominem
ad Coelos attollat, annon & ipsum in omni
rei cognitionem deducat? Potissimum verò
rogas an illa Geometria, quæ Deorum sedes
aperit & hominum subicit speculatu, non
etiam possit ipsas divinas Naturas atque vires
omnium potentes nobis patefacere? Insuper
invitas me, si quas de cultu Deorum & hæ-
resibus circa Religionem per varias Gentes
variam disputatis habeam demonstrationes
Geometricis similes, eas ut ad te transmit-
tam.

Ego quidem ex muris nostris bellum spec-
tans quod inter *Carthaginenses* atque *Roma-
nos* in *Sicilia* geritur, Urbis incolumitati in-
vigilo, machinasque Regis *Hieronis* iussu *Sy-
racusis* propugnandis aptas excogito, & fabri-
candas artificibus tradò.

Nam quamvis Pater tuus *Hiero Romanis*
in præsentia gratus & amicus fiet, tamen si
Carthaginensium in *Italia* minuantur opes

(nullum enim *Carthagine* missum adhuc *Hannibali* auxilium audivimus) vehementer nobis metuendum ab *Romanis* erit, quos ubi rerum fient potentes solus cohibere poterit pudor & honesti justique respectus ipsa apud homines sectæ servientes Geometria rarior: incitabit verò ad nos perdendos dominationis atque prædæ cupido vesana nullisque finibus coercenda.

Sed quoniam Geometrica mea tibi placuisse video, juvat eorum quoque participem te facere, quæ Geometricis similia similiterque exulta studiis haud vulgaribus nuper agitavi, non ignarus quanti sit momenti in vita feliciter exigenda rebusque gerendis animum adferre purum istius superstitionis quæ multos mortales inquinavit & imbecillos reddidit, à qua superstitione atque imbecillitate cupis te quam longissimè abesse.

cupio

Quoties ea, quæ in Libro Mechanicorum scripsi, conferebam cum Phænomenis enascentibus ex motu quem terræ circum Solem gyramti concessit *Aristarchus*, investigabam diligenter harum rerum causas. Sed inanis erat labor, operamque semper perdebam. Nam ex demonstrationibus quas illic adduxi, manifestum est terram ut pote gravem, ad centrum sive Solem debuisse descendere. Quapropter cum tellus nostra circulationem perpetuò celebret, neque ad Solem descenderit, censendum est eam Theorematis mechanicis non esse adstrictam, sed ab aliqua vi in orbita definiri quæ legibus mechanicis superior existat, & quam (quia nomina rebus imponere licet atque prodest) pertinere dice-

ARCHIMEDIS.

dicemus ad Deum aliquem vel ipsum *Jo-*
vem.

Deinde quoties de illa vi gravitatis super qua nonnulla habes à me demonstrata mediator, nullas quæ vim istam corporibus natura inertibus indiderint corporeas causas invenio. Quapropter & hanc ad divinam & cuncta moventem vim vulgo quidem ignotam lubens refero.

Sed mihi quam plurima cognoscere volenti contigit aliquando *Erasistrateæ* Sectæ Medicum convenire, qui missus ab *Antiocho* Rege *Syriæ* videbatur, ut vires *Carthaginiensium* atque *Romanorum* in *Italia* *Sicilia*que bellantium exploraret, & *Antiocho* magna agitati referret. *Archiam* se vocabat homo vel Græcus vel Græcum se simulans. Is apud nobilissimos utriusque Populi magnam iniebat gratiam vulneratis opem præsentem ferens & nullo quæstu inhians. *Syraculis* certe magnos & pene Regios sumptus faciebat, & iis qui medicinæ in hac Urbe dabant operam præstabat se strenuum promptumque doctorem. Secabat enim canum viventium, & vitulorum oviumque corpora *Erasistrati* ritu. *Archias* ille non semel nobis ostendit sanguinem ex utero cordis sinistro cum impetu excurrentem quem *Erasistrato* spiritum vocari dicebat, & per ramos densi canalis sursum deorsumque prorumpentem, & ex hisce per alias venas prioribus laxiores exceptum, uterque cordis sinistro refusum, quo in motu vitam docebat esse sitam: præcipuè verò venas illas observabat ex cordis sinu sinistro ad cerebrum pertinentes quæ alimentum cere-

nully

dextro

6 2 EPISTOLA

Soeta

bro inferunt. His ligatis & constrictis sensum vitamque confestim aboleri oculis nostris fidem faciebat. Simul in medium proferebat dura quædam vasa cavitæ nulla conspicua, nulloque liquore facta quem quidem licuit videre, quibus sive sectis sive ligatis motus cordis cum vita peribat. Hæc vasa deducebat à cerebro ad ipsas carnes quæ cordis fabricam constituunt. Ex hisce didici nullum esse cerebro sensum aut motum nisi sanguis ad ipsum deferatur ex corde moto, neque ullum esse cordis motum nisi vis aliqua ex sanguine per motum cordis in cerebrum inducto derivata redonetur cordi eodem tempore, referaturque per dura illa vasa quæ nervos vocabat *Archias*. Atque hinc etiam mihi persuasi animalia ista, sive corporis animati fabricam à *Jove* fuisse conditam nulla theorematum mechanicorum habita ratione eamque vi supereminens peritiæ, motusque leges nostras longissime superantis excitari. Cum itaque, Rex *Gelo*, Dii sint quorum optimus maximus *Jupiter* & terras & astra regat infinitis in locis glomerata, qui etiam omnigenum Animantum sæcla seminaverit, haud fuerit absolum ad ea descendere quæ de cultu Deorum vulgo circumferuntur, si prius te monuero nos Deorum quidem appellationem non respuere usui morem gerentes, sed uni tantum *Jovi* vim illam omnipotentem sive omnimotentem adscribere, quæ pluribus non bene conveniret.

Multi sunt inventi non satis versati in Geometricis qui numerum arenæ littoribus alveisque marium aggestæ crediderint infinitum,

ARCHIMEDIS. 9

tum, quorum nos errorem & inscitiam in arenario tibi probato refutavimus: calculo quippe ritè instituto demonstravimus explicari posse numeris valde mediocribus omnem illam arenæ multitudinem, aliamque omnem illa quantumvis majorem. Sed qui numerum eorum referre velit qui se cum Diis confabulari, Deorum responsa in vulgus edere, & ad ordinandas Respublicas ex *Jovis* atque Coelitum Concilio demissos esse confirmant, opus ingredi se sentiet haud paulò majus quàm illud est arenarii nostri: præsertim si facultas animusque sit evolvere sæculorum omnium gentiumque mores & fata historiis prodita, quidque sit futurum ex iis quæ plerumque contigerunt ratione atque judicio conjicere. Quapropter unicam tantum sectam ob oculos tibi ponam, lubenter refugiens laborem descendendi in arenam cum aliis tam multis, quarum proprietates & sententias haud erit operæ pretium cognoscere Regem, cujus summa Reipublicæ negotia sustinentis tempora non decet me longo sermone neque per ambages morari, difficili præsertim patriæ sorte & inter populos riva-les ancipiti. Proponam ergo tibi sectam *Romanorum*, qui magnum sibi nomen compa-raverunt, & *Siciliæ* vestræ propius nunc imminet, amicitiaque *Hieronis* diuturna freti nobis se familiares, & assidua consuetudine notissimos reddiderunt.

Pompilius Numa qui post *Romulum* secun-dus regnavit hanc sectam instituit, uti accepi-mus ex ejus populi probatissimis historicis. Ille Religionis quæ nunc tenet *Romanos* præcepta

*minus, at
impeditur
multo quan-*

EPISTOLA

500
 testatus est ab *Egeria* quadam Dea, sive Nympha, soli sibi tradita, populoque colenda. Hisce præceptis alia sunt adjecta postquam participes facti sunt *Etrusca* disciplina *Romani*; quamvis mihi de Rebus *Ital*is percontanti verisimile fiat ante *Numam* viguisse apud *Romanos* *Etruscorum* disciplinam. Docebant *Etrusci* *Tagen* quendam sive Deum sive hominem, puerili certè facie, in agro *Tarquiniensi* repente ex terra sulco fortè altius impresso exaratum fuisse & exfuscitatum, eumque qui arabant affatum. *Tagen* hunc narrant *Etrusci*, qui bubulco nascentem vidisse dicenti crediderant, oratione luculenta senilisque prudentiæ plena, primordia omnis haruspiciæ monstrasse, cujus tanta nunc est apud *Romanos* auctoritas, ut si quis eam contempserit is contra Deorum religionem facere videatur. In illa tamen disciplina oportet credere sæpius in ipso immolationis tempore deficere cor, jecur, & exta quævis sine quibus ipsa victima vivere nequisset, eaque non semel superesse cum quibus animal pecusve non potuisset vivere. Quæ res postulato nituntur haudquaquam Geometris agnito, posse scilicet haruspiciem ea perficere quæ nemo sanæ mentis fieri posse crediderit. *Archias* sane noster hæc & his similia fieri non posse clarissimè monstravit: Sed hisce de rebus est hic altius paulo differendum. Adverti jamdudum in omni Secta ad hominum mores Religionem coërcendos instituta duo potissimum debere spectari. Nempe primum ea quæ sectæ illi propria privataque sunt. Quale id est apud *Romanos*, *Numam* fuisse ab *Egeria* Dea

ARCHIMEDIS

Dea edoctum, *Tuscosque per Tager* haruspica mirabili imbutos, eaque vi Haruspices comitari quæ in ipso immolationis tempore sapius efficiat extorum mutationem, ut aut absit aliquid aut supersit.

Quæ secundo loco spectare decet in Secta debent illi cum Sectis aliis omnibus esse communia.

Quale illud est, *ab alia tibi expectandum esse quod alteri feceris*, sive quod eodem redit, *alteri non esse faciendum quod ipsi tibi nollens factum*. Et, quæ hinc emanant omnia, iustitiæ, virtutisque divina præcepta: Quæ quidem apud omnes Gentes eadem existunt; neque enim sunt hæc à quopiam sive conficta sive inventa, sed ut homines ad ea promptius adverterent animos Gentium quarundam Legibus memoriæ nostræ commendantur.

Deinde demonstrant observationes historiæque Gentium non unâ magis quam aliâ quavis Sectâ homines esse factos meliores (etiam quam ii sunt qui nulli Sectæ serviunt) neque fructum aliquem in *communibus* perceptum esse ex *admissis propriis*.

Neque enim aliter fieri potuisse patet ex iis quæ præmisimus. Illi quippe Religionis auctores sive fautores, Sacerdotes, Haruspices, Pontifices, hoc est, illi qui Sectæ propria invenerunt, eamve condiderunt, semper de propriis quam de communibus magis fuere solliciti, nam propter opinionem de propriis Secta est condita. Nemo dixerit, Rex *Gelo*, *Romanos* esse iustiores factos aut meliores post *Numam* natum quam ante natum fuissent. Nemo dixerit credideritve parricidium

10 2 EPISTOLA

non esse committendum propterea quòd *Numa Pompilius* monente Dea *Ægeria* committi vetuerit, aut patriam non esse prodendam atque tradendam in servitutem, quòd oraculo *Delphico* id fuerit prohibitum; vel immania furta, latrocinia, dolisque malis paria vel affinia esse fugienda, quoniam Deus aliquis ea non licere pronunciaverit *Numa Pompilio* teste; sed ideo quòd ejus hæc naturæ fient, ut ea ne quidem Diis præcipere liceat. Atque hoc tam manifestum est quàm nos liquet credere circulum æquari triangulo rectangulo, cujus radius sit æqualis uni lateri circa rectum angulum, perimiter verò basis, non ideo quod hoc ab *Apolline* fuerit (teste puta *Clodio*) pronunciatum, sed ideo quòd natura prius inesset hisce figuris, & à nobis demonstratione patefactum.

Ex hisce sequitur *Romanos* justis atque honestis sanctiores non existisse cultores post *Ægeria* Deæ recepta per *Numam* præcepta, & *Etruscorum* qui *Tagen* credebantur audisse Religionem civitate donatam, quam *Romulo* regnante ipsi ipsorumve parentes fuissent. Cujus quidem rei *Sicilia* vestra testis est locuples; nam de *Italia* ab *Romanis* oppressa non opus est dicere, cum ea quæ quotidie audiuntur ad *Pœnium* defectiones rem omnem clarissimè proclamant. Sed nimium fui verbosus cum satis fuisset hoc unum ob oculos tibi ponere, Quod ille qui sola auctoritate *Numæ* vel *Pontificis* parricidia credit illicita, eisdem *Numæ* parricidia licere confirmanti credet ac obsequetur, & qui credit cor animali defuisse *Haruspice* divina quadam vi rem factam

eē

ment

ARCHIMEDIS. II

factam testante, is, & sceleratissima quæque credit & perpetrabit eodem auctore. Tantum abest ut Sectæ deditus evadat Civis melior, quam fuisset si Sectam nunquam attigisset. Semper enim memorem oportet esse Sectam condi propter opinionem de propriis. Non audimus tantum, sed quotidie videmus apud *Romanos* multo eum esse detestabiliorum qui propria temnit quam qui communia. Hujus rei testis est *Publius* ille *Clodius*, qui priore bello Classem ad *Drepanum* perdidit, desperantibus ex religione & segnius pugnantibus *Romanis*, quod *Clodius* contra auspicia sive propria Sectæ præcepta pugnasset, qui tamen nulla Deorum ira se premi credidissent quod latrones, homicidæ, mœchi, perjuri, atque sicarii ad bellum adversus *Carthaginenses*, & ad insulam populandam domo exissent. Addere lubet impietatem hanc *Clodii* multum forori *Clodiae* nocuisse ipso licet extincto; tanto plus potest amor Sectæ quam justique honesti respectus.

Observaverat *Clodia* post pugnam ad *Drepanum* minorem fuisse in urbe *Roma* frequentiam, eandemque crevisse Fratrem dudum extincto, carpentumque suum demoratum. Optabat illa foemineo & inutili voto fratrem reducem minuendæ frequentiae causa, si rursus frater duceret fortè classem Romanam. Optabat *Clodia* iracunda quod carpentum lentè procederet, irritò voto, & haruspici quoque ridendo. Quid quæso censes in eum facturos *Romanos* qui locum optasset, in quo si consisteret, tellurem ipsam dimoturum se promitteret? Votum est hoc quoque irritum &

12 2 EPISTOLA

& inutile, rei tamen demonstratio facilis atque pulchra, quæque, si voto *Jupiter* annueret, multo majorem rerum vicissitudinem *Romanis* inveheret quàm iterata ad *Drepanum* clades fecisset. Sed obfuit *Clodia* pugna illa infelix quam auspicia sive *Seçtæ* propria videbantur vetare.

Hæc etsi sufficere possent tibi tuique similibus, hominesque cordatos illicere ut ab omni *Seçtâ* sese abstineant, non tamen pigebat ad abundantiorē scientiam aliud subijcere theorema quod sic se habet.

Sint duæ Seçtæ expositæ.

Credibilitatis quantitas sive quantum hoc est fidei quod primæ *Seçtæ* propriis convenit, eam habet rationem ad id quantum est fidei sive credibilitatis eam quantitatem quæ propriis secundæ convenit, quam habet numerus auctorum sive testium, qui propria primæ primi prodidere ad numerum testium secundæ similitum.

Et fides (de quantitate sive magnitudine semper loquor, quam solam *Geometra* rimatur) quæ debet adhiberi propriis *Seçtæ*, fert eam rationem ad fidem quæ communibus adhiberi debet, quam fert rationem illorum numerus qui propria primi prodidere ad numerum generis humani communia excolentem. Obtenent hæc locum ubi testimoniis & hominum auctoritatibus agendum est. Nam cùm paucissimi fuerint in omni *Seçtâ* qui *Jovem* sive audierint sive audisse se dixerint loquentem legesque ferentem, res omnis ad hominum

ARCHIMEDIS. 13

num paucissimorum, vel etiam ad unius plerumque hominis auctoritatem redibit, uti factum esse accepimus in morte *Romuli* qui primus *Romæ* regnavit, quæ uno *Julio Proculo* auctore credita fuit ab universa multitudine *Romana* & hodie quoque creditur cum immortalitate esse mutata, cum eum *Proculus* in Cœlum pronuntiasset raptum sublimem procellâ ad *Capræ* paludem coortâ.

Facile theorema nostrum demonstraveris, Rex *Gelo*, postquam te monuero parem adsumi omnium ubique testantium de propriis veracitatem; quippe parem ubique fidem apud suos cultores invenere, qui omnes primis Sectæ suæ conditoribus tanquam viris integerrimis & scientissimis credidere.

Memineris tamen agi semper de iis quæ solis testimoniis nituntur. Exemplo res fiet manifestior.

Testimonio nititur esse Ducem *Pœnorum* in *Italia* *Hannibalem*; testimoniis quoque creditur eum *Romanos* ad *Ticinum*, deinde ad *Trebianam*, nuperque ad Lacum *Trasumenium* magno prælio superasse. At si quis adfirmarit *Hannibalem* eas tres pugnas eodem tempore pugnasse uno eodemque usum exercitu, fidem apud peritos haud inveniret (quod ea res testimoniorum vires superet) quamvis etiam extricandi sui causa persuadere vellet unicum quidem esse *Hannibalem*, sed qui tres Duces diversos unus in se haberet, nempe *Ticinensem*, *Trebianum* & *Trasumenium*, tam diversos quam diversa sunt in quibus pugnatum est loca. Quippe testimoniis id unum nititur, esse *Hannibalem* in *Italia* *Pœnorum* Ducem,

14 EPISTOLA A

Ducem, qui tribus praeliis variis temporibus diffitisque locis *Romanos* superavit. At cum unicum in tres partiri postulato nulli respondet, cum etiam in homines quatuor hominem unum *Hannibalem* eodem jure possint partiri si fors ille de *Romanis* quartam victoriam aliquando reportaverit.

Superest nunc ut ad fine Problema solvamus, quod est hujusmodi. *Datis Sectæ propriis verum Sectæ auctorem invenire, sive definire quis qualisque fuerit.*

Dicebat *Pompilius Numa* leges ritusque sacrorum tradidisse Deam *Ægeriam*; *Etrusci* se perhibent edoctos *Haruspicinam* à puero *Tage* subito terris enascente: multi *Religiones* suas ad *Phœbum Delphicum* referunt, auctoresque alii alios jactant. Sed fieri potest ut *Numa* fuerit usus auctore minus illustri quam est *Dea quæpiam*, & ut *Tages* ille minus quam fuerit, ut nullus *Deorum Delphis* oracula fuderit. Neque enim quidquam est proprium *Romane Tuscæve* disciplinæ quod non ab homine *Romano Tuscove* nulla ope *Divina* præter morem suffulto potuerit inveniri, & ad *Deos* auctores referri.

Quapropter fieri potest ut hæc propria *Sectarum* à multis aliis profluxerint diversis ab iis, qui jactantur, auctoribus: idque adeo ut hoc *Problema* quodammodo referat *Geometricum* illud de locis, cujus constructio tantopere quaritur.

Quippe manifestum est *Ægerie* qua feruntur præcepta talia fuisse ut ea *Pompilius* intellexerit, alia quoque *Tages* ut *Etrurie* *bubulci* ea potuerint ediscere posterisque per manus

Italia

ARCHIMEDIS. 15

nus ransdere. Hinc colliges hæc omnia potuisse vulgari, nulla licet *Ægeria*, nullusve *Tage* existisset. Nam quæ possunt ab omnibus intelligi, possunt à quovis inveniri sive proceris adfirmari.

Atqui, quod majus est, agnoscis, Rex *Gebo*, demonstrationem Theorematis quo declaratur in triangulo rectangulo quadratum lateris maximi æquari summæ quadratorum à reliquis à *Pythagora* quidem potuisse pertexti; sed & inveniri quoque ab aliis potuisse si rationem mortalibus omnibus inditam eodem modo coluissent atque subduxissent quo suam *Pythagoras*. Hicce perpenfis ad solutionem Problematis accedo.

Cætera desiderantur.



